


lipu tempo



nanpa lili

♪ o kama pona!

ale li lili lon
lipu tenpo ni.
o pilin suwi
kepeken ona!

- jan Sonatan



jan Ke Tami
li sitelen
e sitelen
sinpin.

lipu ni li tan kulupu

lipu tempo e.V. ·

kulupu ni li lon ma Aken ·

jan Kasape
li sijelo
e lipu.

ona li lon ma Tosi ·

mi pana e lipu ni

lon tenpo nanpa 2024 ·

**waso soweli
pi lili nanpa wan**



tan jan Ke Tami



→ **luka pi waso soweli li sama waso**
 ante li ken e tawa lon kon, taso ona li
 sama selo wan taso anu lipu wan
 taso. suno li kama anu pini la ona li
 alasa e pipi lon tempo lili. alasa li lon
 tempo ilo suli wan. taso telo wawa
 anu lete wawa li kama la ona li wile
 pini e alasa. ni li tan lili ona.

ona pi lili nanpa wan li suli seme?
 pipi suli a en waso ni li ken lili sama.
 luka sina li ken sama kasi suli tawa
 ona. lili a!

I



pipi pali

tan jan Ke Tami

⌘	>	K	Λ	ω		
Δ	·	Δ	>	÷	⌘	·
>)	·	⌘	!	
ω	»	I	Δ	⌘	·	
∨	O	>	X	Δ		



olin sin

tan jan Alonola

ona suwi li pona li lon poka mi
insa mi li nasa li kama seli
 ona li wawa li wile suli
 ona li pana e kili tawa mi

kon sewi li lon ala toki ni pilin
 pilin mi li sona ala e nasin
 linja en oko li pona lukin
 mi wile awen pilin e olin

 mi wile olin taso e ona
 ike o pakala ala e mi
 mi wile awen pilin sama ni

linja mute**tan jan Ke Tami**

→ **o linja e sitelen.** linja li toki e nimi kepeken sitelen ona. o kepeken sitelen wan lon linja wan taso. linja wan la, o kepeken sitelen wan lon tempo wan taso. linja li ken tawa sitelen poka ale. nimi luka tu li lon la o kepeken linja luka tu taso.

I

a w a s o

k e i p i

i s p k a


j a l a s

i n a k i

l e w o s

seme li mi

tan jan Alonola



FAQ

ISSN 2752-4639



977 2752 463 00 6

 **Hello!** You're looking at *lipu tempo*,
a magazine written in the fun
minimal language Toki Pona. Find
out more on tokipona.org and our
own website liputempo.org. 

Everything in this document is
licenced under a **CC BY-SA 4.0**
licence.

sina wile pana anu ante e ijo pi lipu
ni la o lon nasin **CC BY-SA 4.0**.